

奉天通志

第五箇之五

奉天通志卷六十九

山川三

水系一

海岸

海岸

黃海

渤海

黃海

奉省南瀕黃渤二海老鐵山居遼東半島之極端與山東登州半島相望爲渤海門戶自老鐵山東北行至鴨綠江口止爲黃海岸自老鐵山西北行至山海關止爲渤海岸

遼史地理志遼陽府東至北烏魯呼克四百里南至海邊鐵山八百六十里西至望平海口三百六十里東西南三面抱海

清史稿地理志

金州廳

旅順口在南自旅順循半島以西歷遼河

口大小凌河口至山海關爲渤海岸以東歷碧流河口莊河口
大洋河口至鴨綠江爲黃海岸

錦縣志自山海關之南東北至大遼河口六百里大遼河口南
至旅順城六百里自旅順東北至鴨綠江口八百餘里

東三省紀略遼東半島與登州半島相望扼北洋之門戶海岸
綫長五百七十六海里依其形勢分爲二段自鴨綠江口起迤
而西南經大小洋河口青堆子莊河口畢利河口貔子窩大連
灣旅順口至老鐵山嘴計長三百三十六海里是爲黃海岸過
老鐵山嘴迤北而西海岸綫成一弧形經金州復州蓋平諸灣
遼河口大小凌河口天橋廠連山灣釣魚台至山海關迤南海
岸計長二百四十海里是爲渤海岸亦曰遼東灣海岸

東北年鑑東北海岸自遼寧省南部鴨綠江口起至老鐵山嘴計三百六十海里是爲屬於黃海沿岸者由老鐵山嘴迤北而西至山海關迤南長四百九十五海里是爲屬於渤海沿岸者二段共長八百五十八海里

旅順居鐵山東北其南海中爲廟島列島亦稱長山八島縱列如驛遞明代海運多出此途

全遼志金州旅順關口南達登州新河水關岸徑五百五十里水程適中海島名曰羊塢有石碣上鐫南岸達北岸共五百五十里蓋自旅順口起抵海中羊塢黃城二島約三百里自黃城南抵欽島鼉磯島約三十里欽鼉島抵井島約七十里井島抵沙門等島一百三十里沙門島抵新河水關僅二十里總括其

數亦五百五十里各島相接如驛遞

東北年鑑長山八島乃南長山島北長山島廟島大黑山島小
黑山島砣磯島大小欽島南北城隍島之總稱位於渤海口內
在東經一百二十度四十三分北緯三十七度五十五分總面
積四十方里有奇在兩漢屬渤海郡隋時被高麗佔領駐有高
麗軍民唐太宗東征曾屯兵於島驅高麗軍民遠出鴨綠江外
今島中尙有唐王城故址宋代以沙門島即今之廟島爲流配軍犯
之所明永樂間於長山廟島大小黑山島砣磯等島安設軍屯
漸有人民徙居清乾嘉時人煙漸形稠密大小欽島亦有居民
光緒初於廟島等處添置永綏局保護治安內地之民徙居來
島者益衆於是南北城隍島亦逐次開闢矣

方輿紀要舊置運道由登州新河海口至金州鐵山旅順口通計五百五十里自旅順口至海州梁房口三岔河亦五百五十里海中島嶼相望皆可灣船避風運道由此而達可直抵遼陽瀋嶺以迄開元城西之老米灣

清一統志按明時海運皆自登州抵金州旋順口本朝康熙三十三年聖祖親幸天津訪海道自大沽口達三汊較便於登州遂用商船三晝夜卽抵三汊自後盛京海運多由直沽有御製創修盛京海運記

南金鄉土志旅順港門南向港門二山交抱

東曰黃金山後平岡雞冠山

二里許曰老虎尾

如蟹之二螯西螯長而東螯短山內之澳亦然港口

廣僅三百餘尺港內東西長凡三海里西澳約居四分之三東

澳僅得其一南北廣約三分海里之一船塢在東澳水深浪闊

四山環繞爲能多泊兵輪之佳埠

俄人嘗屯水陸兵於北岸地頸上

旅順西南

卽老鐵山嘴與遼東灣接

東三省紀略旅順口位於金州半島之西南端嚴冬不凍奉省沿海第一良港也口門南向東有黃金山西有虎尾半島左右環抱如蟹之二螯西螯長而東螯短兩螯相距不過三百密達兩岸山勢陡峻異常不易攀登港內分東西兩澳東澳長四百密達寬二百七十達水深約三十六英尺至四十二英尺西澳之寬闊較東澳約有三倍然水深不如東澳最深之處不過二十四英尺

自旅順東行爲大連灣灣口有三山諸島

南金鄉土志大連灣爲遼東半島之東岸第一大澳東西長八

海里南北略等灣首分三小澳南曰得勝澳

里一名勿多

西曰華

船澳北曰手澳其北岸之南嘴成一口門西向之小澳曰阿丁

澳

石一名白澳

此四澳均可停泊

聚數澳於大澳故以大澳名

其鮎魚尾西南相

對之嘴爲口門南岸者大鵬嘴

口一名四角

口門有數小島南北列

北曰北三山中曰中三山南曰南三山前明故將毛文龍使曾

有功駐三山島卽此數島也中南兩島相距甚近中有低石頸

相連自東西望之兩高峰並峙故又名兩三山島兩三山與大

鵬嘴間爲南水道口門南向兩三山與北三山間爲中水道北

三山與北岸間爲北水道兩口門均東向皆可通行惜南道最

廣中道頗狹耳自大鵬嘴以西海岸曲折向西南有數低小島

傍岸環島有大石行又西爲千布力焉澳

門卽南

澳口南向口外

有島口內可停泊澳西爲帽島高四百尺北距岸約四五海里

其北海岸皆低山多成小澳有石嘴南伸入海名小平島

實濱海之

崖比頑崖又名

小平東西一帶海岸皆低山多成小澳小平島之東

有五島島與岸間可停泊西有小澳曰龍王塘黃泥川母猪礁

又西則爲旅順

東三省紀略從大連灣之西口角曲折向於西南二海里至南
口角近此角之水道爲陂界內有小島小島四周有石行深淺
不一此一帶海岸有小沙澳近沙澳有劈形之小島其斜面向
東者曰旁島此島常有海浪衝激也大連灣長八海里灣首爲
三小澳一曰勿多理亞澳一曰船澳一曰手澳又東有小澳曰

阿丁澳皆英人意造之名也夏季東岸可避風又西口角與南北山島間有水道闊五海里至南北兩島間之水道闊一海里北三山島與東口角間有水道闊二海里此水道概屬隱險距此三山島十四丁有泥灘水深三十尺天氣晴爽時在陸岸可見高二百十尺之三生山

大連灣東北行爲川流溪澳今名煤窑口大窑口溪澳較川流爲大溪澳之南嘴曰鮎魚尾卽大連灣之北岸也

南金鄉土志石角西爲川流澳

一名司突
理某澳

川流之西南爲溪澳

一作克
爾澳

溪澳南嘴爲鮎魚尾鮎魚尾北對石嘴爲川流溪澳總

口門中有驛馬山向東伸之黃嘴子分澳爲二北川流南溪澳溪澳較川流爲大澳內有避風停泊所鮎魚尾卽大連灣之北

岸也

東三省紀略大連灣東有二澳東曰深澳西曰克爾澳二澳之東南爲行海舟楫避風處澳首甚淺以夏季海浪多從東來故不便泊船必至克爾澳中水深十五尺至二十五尺之處方可泊船而無意外之慮也

川流澳東北行爲城子山亦稱城山頭望海塢在其南麓北卽鹽大澳又名營頭澳

南金鄉土志治城東九十里城子山

又營頭澳口南之尾角東北有三小島高約二百尺島之西南可停泊惟不能避東南風尾角之西南爲石角或作標角

東三省紀略光祿島西北之陸岸曰鹽大澳澳內多小島并多

石行澳首爲一帶高山其間有河口曰五湖門鹽大澳之南有山嘴伸入於海高六百尺其陸地有三帶之山其內一帶曰尾角南面有石崖長五六丁近石崖處之潮勢最急其山與嘴陸地相連處爲窄沙頸近沙頸處爲三帶之最東其西面高一千尺距尾角西南六海里之麓爲低石岸前面多石行及小島尾角之北岸曲折而向於西北三海里處是爲五湖門東面有沙角沙角西之山隴其地勢甚低窪狀其山隴之外形則有如圓潔之小錐延而爲五湖門之西岸

又距尾角西南六十海里有石如舌前伸者曰石角其最高處凡一百五十尺由石角西六海里之陸岸有帶山其中有高峻至九百尺者山之東尾伸入於海爲陡角此角與石角之間爲

石突理每澳澳首爲低沙岸澳內有小島沙岸西界近石崖處有溪口

中國地理志大洋河口迤西南傍海皆山岸凡二百四五十里至營頭澳一名鹽大澳遼東地嘴北界也

鹽大澳北越澄沙河大沙河清水河諸河口抵貔子窩

南金鄉土志澄沙河城東北七十里源出小黑山東北流至團山入海 沙河城東北九十里源出鸛山流至紅嘴堡西入海 清水溝河城東北一百五十里源出大北山流至紅嘴堡入海

又由金岫交界畢里河之西南六十里有海港曰貔子窩其上流爲小澳卽清水河也此港右岸環抱如半規口門東南向惟

水淺不便停泊

東三省紀略貔子窩位於大連灣之東西南距金州一百餘里
港口東南向潮滿時海水直入街市潮落之頃四海里以上常
現汐瀉礙於船舶之入港故船舶之大者皆泊在六海里以外
港之前面島嶼羅列距港口二海里有馬鞍島六海里有裏長
山列島十二海里有光祿島波濤被阻遠望之殆如一岬角突
出連互海面港內有街市

貔子窩之南城山頭之東有長山列島分裏外二部最大者爲海
洋島

南金鄉土志貔子窩東南約百里有海洋島南北約五海里東
西幾於相等由漸而峭島之巔高於海面一千三百二十尺島

南岸爲破碎硝石崖其北角有沙頸相聯之小島曰家地訥島高三百五十尺家地訥東北約一海里有橋洞石島其洞東南透穿海洋島之東南約一海里有白西島島雖小而三峯東西平列海洋島內羣巖叢複望之欲迷其西有大港曰遜塘灣灣環深入口門西向內泊巨艦甚妥灣之東南有二小溪可取淡水溪旁有小村皆中國人居之雞豚蔬菜之屬略備夏季常有內地牛羊運至島爲牧地海洋島之西北約四十海里有五馬島島形爲圓錐形高於海面六百尺五馬島之北與東北相距約一二海里有四小石島皆低而峭五馬島之西南約十三海里爲外長山島大小凡五島以長子島爲最大居羣島之極西南西距大連灣口約四十五六海里島有二峯高八百尺島之

東北與西均有澳水深闊底爲泥質均可停泊惟不能避風長
子島之東約三海里爲大鶴子島大鶴子島東約一海里爲小
鶴子島兩島大小略等均不過方二海里小鶴子島居羣島之
最東東距海洋島約有十二海里大小鶴子島間爲穩安水道
小鶴子之西有澳尤便停泊大鶴子之北約一海里爲搭連小
島搭連之西約半海里爲多沙小島二小島居羣島之北東西
列相距甚近二島間多石行不能通行惟搭連之南水深處可
停泊以搭連能避北風也外長山島中居民稀少惟谿谷中尙
有淡水外長山島之西北爲裏長山島西人名厄雷特羣島有
名之島凡三外尙有數小島

牛心
花螞蟻
島島島
又西曰平黑島

葛仙其最東爲八

岔島在搭連島之北八九海里搭連島外曰大耗島小耗島八

岔之西有數小島小島之西爲大長山島於羣島中爲最大

東西

五海里
北稍短

前明故將毛文龍言從長山島可入復州卽大長山

島也島之西南有深澳澳口多石大長山之西五六海里爲林

島一名樹島

言上
森林也

林島西北二三百里有五石角爲高大之

長石自東北而西南零落相接如脈絡起伏然五石角之北有

礮台石

一作
牆石女

北偏東有雙山皆小島也此羣島東西互海面

凡十五海里惟八岔南便於停泊裏長山島之西南偏爲光祿

島東西長五六海里其南角高九百尺東南距長子島凡十八

海里島中有淡水有牧牛羊者前明故將毛文龍所言之廣鹿

島卽此

國朝
民多逃
避軍南
於此居

光祿之西岸可停泊島之南與東環

小石島

獐子
色刀島
瓜心哈
皮島島

其東北有數小島略同礁石若斷若續